



FSAN

W A R G E Y S K A



ARBACO
15 JULY
2020

Tifaftire: Zahra Naleie
Soo-soore: Mohamed Abdi

TIRSIGII 16AAD | DAABACAADII 16AAD | SADDEX BILE KA FAALLOODA ARRIMAHAA JAALIYADDA SOOMAALIDA NEDERLAND

Ali Ware & billada boqortooyada Netherlands 2020

Guddoomiyaha Dallada **FSAN**

- XUSKA 1DA JULY 1960 EE
- MADAXBANAANIDA SOOMAALIYA
- XALADA DHIRAGELINTA ALI WARE
- WARARKA FSAN APRIL ILAA JULY 2020
- WARARKA URURADA XUBNAHA
- BUUGGA JIHEEYE OO SOO BAXAY



Guddoomiyaha dallada FSAN oo ku guuleystay abaalmarinta sanadka ee ay bixiso boqortooyadda dalka Netherlands

Guddoomiyaha dallada ururada Soomaalida Netherland ay ku misdeysan yihiiin ee FSAN Ali Abdi Ware ayaa 4-tii bishan July waxaa la gudoonsiiyey abaalmarinta boqortooyadda Netherlands.

Abaalmarintan ayaa waxaa Ali Ware gudoonsiiyey duqa dawladda hoose ee Haarlemmermeer Mariannne Schuurmans.

Sida caadiga ah waxaa la sameeyaa xaflad weyn oo abaalmarintan lagu bixiyo, balse waqtiga adag ee Corona-da lagu jiro darteed, ayaa waxaa la gartay in gudoonsiintan ay qaab kooban u dhacdo iyadoo xaflada ay ka dhacday xarunta Ali Ware uu ku shaqeeyeo ee magaalad Hoofdrop.

Abaalmarintan ayaa waxay boqortooyadu siisaa sanadkiiba mar shaqsyaadka muddada dheer ee 20-ka sanno ama ka badan si nadiif ah uga soo shaqeeyey arrimaha bulshada si mutadawacnimo ah.

Abaalmarintan waxaa lagu bixiyaa qiimeyn iyo baaritaan dheer oo lagu sameeyo qofka loo xushay, ka hor inta aan la siin.

“Runtii arrin lama filaan ah ayey igu noqotay, mana la socon arrinta billada, waxaa 24-kii bishii April ee sanadkan isoo wacay duqa magaalada Haarlemmermeer Mariannne Schuurmans., waxay iigu hambalyeysay inaan ku guuleystay abaalmarinta sanadka ee boqortooyadda ay bixiso.” Ayuu yiri Ali Abdi Ware.



Halkan scan-garey si aad u daawato sheekada Ali Ware



Xaflad dhiiragelin & soodhoweyn ah oo sameeyey Ali Abdi Ware oo ku guuleystay abaalmarinta ee boqortooyada Nederland.



Qaar ka mida jaaliyadda Soomaalida Netherlands gaar ahaan dadkii Ali muddo dheer la soo shaqeeyey ayaa xaflad balaaran u sameeyey gudoomiyaha oo ay ugu hambalyeenayaan billada-abaalmarineed ee uu ka helay boqortooyadda wadankan.

Xafladan ayaa aheyd mid kedis ah oo aan la sii ogeysiin gudoomiyaha, taaasoo uu Aad ugu farxay una mahadceliyey dadkii ka soo shaqeeyey munasibadan, taasoo ah buu yiri dhiirigelin Aad u qiimo badan.

Xafladan waxaa soo qaban qaabiyyey guddiga maamulka FSAN iyo saaxiibo kale waxaana lagu qabtay magaalada Den Haag.

Qaar ka mida ka qeyb-galayaasha xafladan ayaa ka sheekeeyey taariikhda iyo wanaaga Ali Abdi Ware iyo doorka uu ku leeyahay arrimaha bulshada, gaar aan caawinta Soomaalida ku nool Netherlands.

Mahad Ahmed oo ka mida haa mamulkii hore ee FSAN ayaa madasha xaflada ka hadlay kana sheekeeyey mudadii Ali Abdi Ware isla soo shaqeeyeen oo ku tilmaamay nin Aad u dulqaad badan oo wax badan ka qabta arrimaha bulshada.

Waxa uu sheegay in shaqsiyan uu ka mid ahaa dadkii ka soo shaqeeyey in Ali la gudoonsiyo bil-ladan.

Waxaa sidoo kale halkaasi ka hadlay Avv. Musse Hersi oo saaxiibo dhow ay yihii, ayna muddo isala soo shaqeeyeen, laga bilaabo xilligii ay jaamacada wada dhigan jireen.

Waxa uu ku tilmaamay nin jecel inuu dadka caawiyio isagoo aan wax dan ah ka laheyn, taasina ay mid uu ku amaanayahay oo ku muteystay billadan.

Xafladan waxaa sidoo kale iyana ka hadashay Zahra Naleie oo ah madaxa arrimaha bulshada ee dallada FSAN, waxayna Zahra sheetay in Ali Abdi Ware uu yahay shaqi ixitiraam badan, hawlkar ah qof kasta ku qiimeeya shaqada uu bulshada u hayo.

Intii ay xafladaasi socotay waxaa goobta laga shiday fariimo-muuqaal kooban oo ay soo duubeen dadkii ay isla soo shaqeeyeen Ali Abdi Ware.

Halkani ka daawo

Intaa kadib, Mohamed Osman Guure, gudoomiye ku xigeenka dallada FSAN ayaa shahaado-sharaf gudoonsiyyey Ali Abdi Ware.

Ugu dambeyn muddana Ware ayaa shahaado-sharaf gudoonsiyyey Mahad Ahmed oo ka mid ahaa guddigii hore ee maamulka FSAN.

Jaaliyadda Soomaalida Netherlands oo u dabaaldegtay 60 guuradii xorriyada Soomaaliya



Meelo kala duwan oo ka mida qaarada Yurub, waxaa lagu qabtay munaasibad lagu weyneenayo xuska maalinta madaxbanaanida Soomaaliya 1-da July 1960 oo hadda laga joogo 60 sanno.

Jaaliyadaha qurbo-joogta Soomaalida ayaa haddaba xuskan qabta sanad walba marka la gaaro 1-da July 1960-kii oo ah maalintii xorriyadda iyo israaca waqooyi iyo koonfur ee Soomaaliya.

Haddaba, magaalada Den Haag ee dalka Netherlands, waxaa dhacday munaasibada xuskaasi oo ay soo qaban qaabisay daladda FSAN oo matasha jaaliyadda Soomaalida ee degan dalkan.

Munaasibadaasi oo ku soo beegan tahay waqtii adag oo uu jiro xanuunka Coronavirus ee aduunka saameeyey ayaa waxaa ka soo qeyb galay tiro kooban oo ka mida jaaliyadda Soomaalida.

Bilowgii munaasibada 1-da July, ayaa waxaa khadka Zoomka lagu qabtay barnaamij looga hadlayo 60-guuradii ka soo wareegatay madaxbanaanida Soomaaliya, iyadoo lagu martqaaday aqooniyahano kala duwan oo kala

jooga Netherlands, UK, Belgium iyo Koonfur Afrika.

Dalk Koonfur Afrika waxaa aalada Zoom ka soo galay Professor Abdi Ismail Samatar oo ka sheekeeyey taariikhda maalinta xorriyadda iyo qiimaha ay laheyd, iyadoo uu faahfaahin ka bixiyey sida ay Soomaalida isugu duubnaayeen oo ay u ilaalin jireen qarannimada iyo sharaftooda.

Waxaa sidoo kale isna qadka Zoomka lagu wareystay Eng. Ahmed Mohamud Handdule oo isna ka hadlay waayahii uu soo joogay iyo sida loo maamuusi jiray maalintan.

Ali Mohamed Abukar (Ali Wolf) oo ah siihayaha safaarada Soomaalida ee Midowga Yurub ee magalaada Brussel, ayaa isna ka mid ahaa madaxdii lagu martqaaday barnaamijka xuska 1-da July ee qadka Zoom-ka uga qeyb galay. Ali waxa uu ka taariikheeyey ahmiyadda ay ka dowlad ahaan u leedahay maalinta madaxbanaanida 1-da July, isagoo si faahfaahsan uga hadlay sharafta uu leeyahay calanka Soomaaliya ee macnaha uu ku fadhiyo.

Waxa uu si gaar ah uga hadlay

midabka saxda ee uu calanka leeyahay iyo macnaha xigta shanta gees ka kooban ee dhexda kaga taal.

Zahra Naleie, madaxa arrimaha bulshada ee dallada FSAN ayaa iyaduna ka qeyb gashay barnaamijka 1-da July ee qadka Zoom-ka, waxayna Zahra ka hadashay doorkii ay haweenka Soomaaliyeed ku lahaayeen halgankii xorriyadda taasow u hurayn naftooda, hantidooda iyo wacyigelin iyo goobaabo badan sida buraanburka.

Abubakar

Waxaa sidoo kale iyana barnaamijkan lagu martqaaday Jawahir Dahir oo madax ka ah golaha qurbo-joogta Soomaaliyeed ee GSD ama Horusocod.

Jawahir waxa ay ka hadashay kaalinta ay qurbo-joogta Soomaalida ku leeyihiin xuska maalinta xorriyadda oo ay sanad walba dhigaan, iyadoo dalkooda ka maqan.

Waxay si gaar ah uga hadashay in qurbo-joogta ay door muuqda ay ka qaataan arrimaha dib u dhigista dalkooda, iyadoo waliba ay jiraan xaalada amni-daro oo dad ay ku laabteen dalka, ayna ku dhiiradeen inay dadkooda wax taraan.

Dhinaca suugaanta, waxaa barnaamijkan ka qeb galay fanaanka Abdi Baadil oo halkaasi ka qaaday heeso wadani ah oo ka tarjumaya maalinta qiimaha badan ee 1-da July.

Sidoo kale waxaa iyana barnaamijkan ka qeyb gashay Jawahir Shire oo halkaasi ka

Dib u tababar wacyi-geliyayaasha gudniinka gabdhaha oo lagu qabtay Den Haag, Amsterdam

20-kii bishii June iyo 4&11 juulay 2020 waxaa magaalada Den Haag iyo Amsterdam lagu qabtay dib u tababar qeyb ka ah barnaamijka sare loogu qaadayo aqoonta wacyi-geliyayaasha (sleutelpersonen) ka hortaga gudniinka gabdhaha.

Tababarkan waxaa ka soo qeyb galay 27 wacyi-geliyayaasha oo ka soo jeeda wadamada Somalia, Eritrea, Sudan, Sierraleone, Kurdish iyo Masar.

waxaa la isku dhaafsatay doodo iyo aragtiyo ku saabsan sidii loo sii wade lahaa wacyegelinta bulshada iyadoo maskaxda lagu

hayo arrimaha Corona oo welitaagan.

Waxaa kaloo goobta cashar ka bixiyey Marisa Abdulqani oo ka tirsan GGD Denhaag, iyadoo ka hadashay caafimaaka taranka iyo barnaamijka daryeelka caafimaadka haweenka gudan ee isbitaalka Denhaag ee Leyweg taasow iyada ka hawlqasha.




XAAALADA CORONA IYO FSAN

Laga bilaabo 16-kii Maarsio ilaa 1-dii June, shirarkii iyo tababaradii ay dadka isugu imaanayeen ee ay qaban jirtay dalada FSAN waxay ahaayeen kuwo loo hakiyey xanuunka Coronavirus, maadaama ay dowlada Netherlands soo saartay sharchiyo mamnuucaya isku-imaanshaha dadka badan.

Balse shirarka waxay hadda ku dhacayeen qaab online ah, waxaa si tartiib ah u bilowday wacyigelinta iyo tabaradda arrimaha tacadiyadda haweenka. Waxaa kaloo shaqaalaha FSAN ku noqdayn xafiiska si tartiib tartiib ah.

Maamulka FSAN wuxuu xasuusinaya dadka Soomaaliyeed ee degan Nederland inay ka joogaan meelaha dadka faraha badan iskugu imaanayaa, inay xirtaan maskar markay raacayaan gaadiidka dadweynaha iyo haddii calaamada Coronaha isku arkaan inay GGd ugu dhaw baaris isku sameeyaan taasow lacag laa'an ah.

Buugga loogu magac daray Jiheeye oo soo baxay



Jiheeye

Een handboek voor het in gesprek gaan over zelfbeschikking, opvoeding, achterlating en seksuele diversiteit



Haddii aad daneenayso buugan halkan ka soo degso si bilaasha ah ([download](#))

Bishan July 2020 waxaa soo baxay buug cusub oo hage ah ay soo saartay dallada FSAN, kaasoo loogu magac-daray Jiheeye. kana hadalaya ilaa afar mowduuc oo kala ah go'aan-gaarista shaqsiga, barbaarinta ubadka, carruurta wadanka looga soo tago iyo kala-duwanaanshaha xagga jinsiga.

Buugan ayaa looga tala-galay wacyi-geliyyayasha mowduucydan inay xogta gaarsiiyaan dadka, waxa uuna si qoto dheer u qeexayaa macnaha mowduucyada kor ku xusan iyo sharciyada ka yaala ee dalkan..

Soo-saaristan waxaa dallada FSAN kala shaqeeeyey hayáda [MOVISIE](#) oo ka dhisan dalkan Netherlands.

KARDO oo raashin diyaarsan u sameysay dadka waayeelada

Ururka samafalka iyo horumarinta Kaalmo ee marka la soo gaabiyoo la yiraahdo [KARDO](#) oo ka mida ururada xubnaha ka ah dallada FSAN ee ka dhisan magaalada Zwolle ee gobolka Overijssel ayaa waqtigii adkaa ee Coronavirus waxa uu howlo samafal ah u sameeyey jaaliyadda Soomaalida ee gobolkaasi ku dhaqan.

Abdulkadir Ali (Nune) oo madax ka ah ururka KARDO ayaa sheegay in bilahii la soo dhaafay ay raashin bisil oo diyaarsan u sameeyeen dadka waayeelka ee jaaliyadda Soomaalida ka mida ee iyagu aan awoodin inay aqalada ka soo baxaan oo ay dukaamada wax ka soo iibsadaan cabsi ay ka qabaan xanuunka Corona.

"Raashin qeybinta waxay bi-laabatay 13 bishii June, waxayna

soconaysaa ilaa 35 todobaad, waxaan ku bilownay ilaa 20 qof oo waayelo ah oo aan guryahooda ugu geenayno." Ayuu yiri Abdulkadir Ali.

Mashruucan raashin sameynta ayaa KARDO waxaa ka taageeray



hirgelintiisa hayáda [Kansfonds](#) oo iyadu ka shaqeysa arrimaha quutul-dauuriga.

Abdulkadir Nune waxa kale oo uu

sheegay in ururkiisa KARDO ay howl kale oo samafal ka fuliyaan gudaha Soomaaliya iyo deegaano ka mid ah Ethiopia iyo Kenya.

KARDO waa urur aan faaíido doon aheyn oo lagu aasaasay magaalada Zwolle ee gobolka

Overijssel 12-kii bishii July 2012, waxaana aasaasay dhalinyaro Soomaaliyeed oo wax ku bartay dalkan Netherlands.

Kulanka maamulka FSAN iyo ururada



Sawir ka hor waqtiga Corona-aha

Dhamaadkii bsihii April, guddiga maamulka dallada FSAN ayaa kulan is xog-wareysi ah oo qadka Skype-ka ah u qabtay dhamaan ururada Soomaalida ee heerka deegaan ee ka dhisan magaaloyinka dalkan Netherlands.

Maadaama lagu jiro xilli adag oo uu weli jiro fayruska Corona, ayaa kulankan waxaa looga dooday saameynta uu xanuunka COVID-19 ku yeeshay bulshada Soomaaliyeed eek u dhaqan dalkan iyo sida ay ururada ula macaamileen arrintaasi.

Waxaa kullankaasi la isku dhaafsatay macluumaad guud oo la xiriira dhibaatooyinkii ka dhashay xani-baadii COVID-19, sida iskuulada oo la xiray, laguna badelay in caruurta ay qaab online ah wax lagu baro, waalidkana ay gacan caruurtooda gacan ka

siiyaan arrintaasi.

Waxaa kale oo kullankan looga hadlay sida ay xaaladan u saameysay howlahii dabayaqaqada todo-baadka la qaban jiray, sida dugsyada quraanka iyo goobahii la isugu imaan jiray oo xirmay.

Sidoo kale, intii uu socday shirkhan khadka Skype-ka ah, waxaa la iska wareystay baahida ay qabi karaan shaqsiyaadka Soomaalida ee keligood degan iyo sida ay muhiim u tahay in shaqsiyaadkaasi laga war-hayo, isla markaana la xoojiyo xiriirka jaaliyadda Soomaalida dalkan.

Arrinta kale ee laga dooday waxaa ka mid ahaa dhibaatooyinka faham la'aanta la xiriirta in dadka Soomaalida qaarkood aanay u hogaansamin tilmaamaha COVID-19, iyadoo la isla soo qaaday dhalinyaro Soomaaliyeed ay isugu yimaadeen ciyaarta kubadda cagta waqtii adag oo aan la ogoleyn in hal meel la isugu yimaado.

Ugu dambeyn waxaa kulankan ka soo baxay ta-looyin dhown ah oo ay ka mid yihiin in la sameeyo whatsapp group oo jaaliyadda isaga war-hayaan, isla markaana bulshada lagu wacyigeliyo inay ilaal-yaan tilmaamaha dhinaca caafimaadka si looga hortago xanuunka Corona.

Wax-qabadka ururka SONECA

Ururka SONECA oo ka dhisan magaalad Den Haag ee dalkan Netherlands, xubina ka ah dallada FSAN ayaa ka warbixiyey howlaha ay u hayaan bulshada Soomaaliyeed.

Ahmed Abdulwahab oo ah xog-hayaha SONECA ayaa sheegay in ururkooda uu ka shaqeeyo arrima-ha bulshada quseeya, gaar ahaan inay ka caawiyaan xalinta dhibaatooyinka soo wajaha sida cunsum-imada.

Waxa uu sheegay inay qabtaan tababaro dhinaca horumarinta wacyiga oo ay isugu keenaan dhalin-yarada Soomaalida iyo jaaliyadaha kale ee wadanka ku dhashay ama ku soo koray.

Wuxuu kale xusay in ay tartamo kubadda cagta u qabtaan dhalin-yarada, taasoo qeyb ka ah buu yiri arrimaha is dhexgalka bulshada, inkastoo uu sheegay in hadda lagu jiro waqtii adag oo jiro xanuunka COVID-19.

Halkan ka dhageyso wareysi maqal ah oo Ahmed uu bixiyey.

Sidoo kale Ahmed waxa uu ka hadlay in SONECA ay xubin firfircoona ka tahay dallada FSAN oo ay howlo badan wada qabteen, gaar ahaan waxa uu sheegay inay hadda wax ka wadaan barnaamijka verandering van binnenuit oo mac-nahiisu yahay in bulshada isbadel gudaha lagu sameeyo, sida in laga wacyigeliyo arrimo ay ka mid yihiin guurka qasabka, gudniinka iyo in looga digo in caruurta la geeyo



dalkii oo lagaga soo tago.

Mar uu ka hadlayey howlaha ay Soomaaliya fuliyeen Ahmed waxa uu sheegay inay ka qeyb qaateen howlahii loogu gurmanayey dadkii ay samaayeen abaarahi iyo daad-dakka ka dhacay Soomaaliya.